

# Канон пред Рудненской иконой Пресвятой Богородицы

Празднуем 11 (24) июля

Тропарь, глас 4-й

К Богородице прилѣжно ныне притецѣм, грѣшнии и смиреннии, и припадѣм, в покаянии зовуще из глубины души: Владычице, помози, на ны милосердовавши, потщися, погибаем от множества прегрешений, не отврати Твоя рабы тщи. Тя бо и едину надежду имамы.

Канон, глас 4-й

Песнь 1

*Ирмос:* Отверзу уста моя, и наполнятся Духа, и слово отрыгну Царице Матери, и явлюся, светло торжествуя, и воспою, радуясь, Тя чудеса.

*Припев:* Пресвятая Богородице, спаси нас.

Пречистая и Преблагенная Владычице Богородице, услыши глас моления моего, умиلسердися о мне, грешнем, погибающем, Пречистая Богородице, и вместо печали даруй ми радость, да радуясь, воспеваю Тя, Всесвятая Владычице.

Пресвятая Богородице, спаси нас.

Утиши души моея свирепство, понеже многия скорби и печали напadoша на мя, грешнаго, да не погибну зле, окаянный.

Слава: Ты бо еси моя крепость, и утверждение, и от врагов защищение, и сего ради не боюсь вражия прещения, но присно пою Тя и славлю, Всеславная.

И ныне: Напасты, и беды, и скорби многи приидоша на мя и отяготиша мя, и се от всего сердца молю Тя, вопия: избави, Богородительнице, от сих одержавших мя зол и веселия исполни.

Песнь 3

*Ирмос:* Твоя песнословцы, Богородице, Живый и Независтный Источниче, лик себе совокупльшия, духовно утверди, в Божественней Твоей славе венцев славы сподоби.

Пресвятая Богородице, спаси нас.

Ты еси теплая Предстательница и твердое заступление, избави мя, Всесвятая, от нашедших на мя напастей, Ты бо еси, Владычице, падших исправление.

Пресвятая Богородице, спаси нас.

Избави мя, Пречистая, от сих напастей и бед и омрачение душевное, и уныние, и вся страсти отжени от мене, Чистая, да присно славлю Тя, Владычице.

Слава: К Тебе притекаю, Пречистая: не презри моя болезни и воздыхания, но призри на мя, сущаго в скорби, и сию мою печаль на радость преложи,

Богоблаженная.

И ныне: Видь, Владычице, беду мою и скорби, яко в тех лукавый враг поглотити мя тщится, но Ты, Пречистая Богородице, препни то его злохитрое коварство, да, избавлься, славлю Тя, Твердую Заступницу.

Господи, помилуй (*трижды*). Слава, и ныне:

#### Песнь 4

*Ирмос:* Седяй в Славе на Престоле Божества во облаце легце, прииде Иисус Пребожественный Нетленною Дланию и спасе зовущия: слава, Христе, силе Твоей.

Пресвятая Богородице, спаси нас.

Ты еси, Пречистая Богородице, надежда и утверждение мое нерушимое, и лютых бед освобождение, и в печали утешение, и души моей просвещение, и во уповании моем непоколебим столп.

Пресвятая Богородице, спаси нас.

В сих печалех буди сладкое утешение и в бедах скорая Помощница, Ты бо, Мати Божия, стяжавшии от всех бед избавляются и ко спасению наставляются.

Слава: Ты еси, Пречистая Дево, и сущим в отчаянии прибежище, и немощным помогаеши, согрешивших исправляеши и ко спасению наставляеши, яко Мати Божия сущая.

И ныне: Приклонися к мольбам раба Твоего, Владычице, и не закосни избавити мя от сих всех бед и скорбей, яже одержат мя, и видимыя и невидимыя враги отжени от мене да не зле погибну, окаянный.

#### Песнь 5

*Ирмос:* Ужасошася всяческая о Божественной славе Твоей: Ты бо, Неискусобрачная Дево, имела еси во утробе над всеми Бога и родила еси Безлетного Сына, всем воспевающим Тя мир подающая.

Пресвятая Богородице, спаси нас.

Суди обидящего мя и от напрасного оскорбления избави, мя, осужденного, яко Ты Судию Праведного родила еси, Всенепорочная, Иже хочет комуждо воздати по делу его.

Пресвятая Богородице, спаси нас.

Ты бо в напастех и скорбех милостивно защищаеши, и zde под кров Твой прибегающего, прими, Пречистая, и мое сие малое от унылаго сердца моление, да не зле, во отчаянии погибну.

Слава: Милостивным и кратким оком, Богородительнице, и милосердием Своим призри на мя недостойного, и обстоящая напасти свободи призывающего Тя на помощь, Всепречистая.

И ныне: Первозданнии Адам и Ева Тобою Пречистая, избавишася от слез, с ними же и аз припадаю Ти и молюся: да милостию Своею отреш и моя болезненные слезы и подаждь полезная и утешение.

#### Песнь 6

*Ирмос:* Божественное сие и всечестное совершающее празднество, Богомудрии, Богоматере, приидите, руками восплещим, от Нея рождаемого Бога славим.

Пресвятая Богородице, спаси нас.

Внуші печальний вопль раба Твоего, трéбующаго по́мощи Твоея, Богомати: Ты бо еси́ упováние моё, потщи́ся печáль мою́ на рáдость преложити.

Пресвятáя Богорóдице, спаси́ нас.

Избáви мя, Мáти Бóжия, от язýка льстíва и от челове́ка непра́ведна изми́ мя, безпа́мятна: вся Ты мо́жеша, я́ко Мáти Зиждíтеля моего́ сýщи.

Слава: Вем Тя, Богоблагодáтная, многотрудным Целéбницу, и аз, немощный дýхом, зовý: от напáстей сих и печáли свободи́ и спаси́ мя, Влады́чице, к Тебé прибега́юща.

И ныне: Избáви мя от напáсти сея́ и беды́, Богоневéсто, Тя бо устрои́ Бог на спасéние и заступлéние сýщу Ходáтаицу, сегó рáди и мне, недостóйну, исходáтайствуй от сея́ печáли свободжéние.

Господи, помилуй (*трижды*). Слава, и ныне:

### Кондак, глас 6-й

Не íмамы инýя по́мощи, не íмамы инýя надéжды, рáзве Тебé, Влады́чице, Ты нам помози́: на Тебé надéемся и Тобо́ю хва́лимся, Твои́ бо есмь раби́, да не постыди́мся.

### Икос

Простри́ длáни Твоя́, íмиже всех Влады́ку, я́ко Младéнца, прияла еси́ за мно́жество блáгости: не остави́ нас, всегда́ надéющихся на Тя, бóдренною Твое́ю молíтвою, и неисчéтною просты́нею уще́дри нас, и пода́ждь душáм нашим милосéрдие Твое́, во вéки источáющи. Тебé бо íмамы, грéшнии, Застýпницу от находя́щих на ны бед и зол. Но, я́ко имúщи милосéрдия щедрóты, ускори́ на молíтву и потщи́ся на умолéние, предста́тельствующи прíсно, Богорóдице, чтýщих Тя.

### Песнь 7

*Ирмос:* Не послужи́ша твáри Богомúдрии пáче Созда́вшего, но, óгненное прещéние мýжески поправше, рáдовахуся, пою́ще: препéтый отцéв Гóсподь и Бог, благословéн еси́.

Пресвятáя Богорóдице, спаси́ нас.

Ты еси́, Пречíстая Богорóдице, Покровíтельница моя́ и непрестáнное рáдование душí моея́, но, о Влады́чице Богорóдице, не прézри мя, одержíмага лю́тою бедóю и неутешíмою печáлию.

Пресвятáя Богорóдице, спаси́ нас.

Ты еси́ крéпость моя́, Пречíстая Влады́чице, и в нашéдших на мя неча́емых скóрбех утешéние, и сегó рáди аз, недостóйный раб Твой, всенадéжно вопию́ Ти: помилуй мя, пáдшаго.

Слава: Исцели́ душéвныя моя́ я́звы, Влады́чице, и заступи́ мя, раба́ Твоего́, и избáви мя от оболгáния сегó непра́веднаго и от всякаго навéта, и от развращéния изми́ мя, Прεблагословéнная.

И ныне: Сокруши́ совéты непра́ведныя, íже и на мя изощрéни суть, аз бо инýя по́мощи не íмам рáзве Тебé, Чíстая, и к Тебé прибегаю́: не попусти́ ми погíбнути, я́ко вся Тебé возмо́жна.

## Песнь 8

*Ирмос:* Отроки благочестивыя в пещи Рождество Богородичо спасло есть; тогда убо образуемое, ныне же действующее, вселенную всю воздвизает пети Тебе: Господа пойте, дела, и превозносите Его во вся веки.

Пресвятая Богородице, спаси нас.

Душу мою сохрани под кровом крилу Твоею, Препоблагословенная Богородице, от различных належавших на мя бед и скорбей избави, да не порадуется враг мой о моей погибели, но да славлю Тя, Божию Матерь, во веки.

Пресвятая Богородице, спаси нас.

Аз убояхся помощи человеческия искати, прибегах к Тебе, Всенепорочная, Ты еси всенадежная Хранительница христианом; днесь к покрову Твоему прибегах, надеясь на милость благоутробия Твоего, но Ты матерски помилуй мя, да славлю Тя во веки.

Слава: Ты еси, Пречистая, просвещение мое и избавление, Ты еси Помощница моя всерадостная, и стена нерушимая, и слава, и хвала моя, Всенепорочная Дево, Тебе усердно поклоняюся и вопию: спаси мя, отчаявшегося, да прославлю Тя.

И ныне: На Тя всю надежду возложих спасения моего, Неискусобращная Богородительнице, и на помощь призываю Тя: спаси мя от печали сея и напасти, разреши пленицы зол моих и от всех скорбей избави мя, да славлю Тя во веки.

## Песнь 9

*Ирмос:* Всяк земнородный да възграется, Духом просвещаемь, да торжествует же Безплотных умов естество, почитающее священное торжество Богоматере, и да вопиют: радуйся, Всеблаженная Богородице, Чистая Приснодево.

Пресвятая Богородице, спаси нас.

Изше, яко скудель, от печали крепость моя и до ада приближихся от язв душепагубных, предвари, Мати Божия, заступлением Своим от одержавших мя скорбей рукою милости Твоея, да славлю Тя, Чистая Приснодево.

Слава: Всенепорочная Отроковице, всем верным крепкая Помощнице и упование христианом, буди о мне неотступная Молэбница к Сыну Твоему и Богу, в Троице славному, и подаждь освобождение от нашедших на мя напасти, да вопию Ти: радуйся, Приснодево.

И ныне: Ты еси крепость моя, Пречистая, и прибежище, и стена необоримая, Ты еси теплая к Богу Молитвенница, всяких мя напастей и бед свободи, едина Благословенная, и ратуемая на мя все разжени, яко прах да пою Ти: радуйся, Препоблаженная Богородице, Чистая Приснодево.